

**АВГУСТА В 15-Й ДЕНЬ.**

**СЛУЖБА УСПЕНИЮ ПРЕСВЯТЫЯ БОГОРОДИЦЫ.**

**НА МАЛЕЙ ВЕЧЕРНИ**

**На Господи воззвах, стихиры на 4.**

**Глас 1.**

**Подобен: Небесных чинов:**

**Б**езсмертным Успением Божия Матере, / ангельский собор радуется. / И сия отходящи, / во обители вечныя вселяется, / и к веселию небесному преходящи, / в Божественную радость, и вечное наслаждение.

**Ж**изни вышня желаящи, / сию оставила еси Богородительнице, / Отроковице девства цвете, / Христа Рождающая всех Живота, / благоговейно предстояше апостольский собор / честному Твоему погребению, Богоневестная.

**Т**воим исходным пением и надгробным, / воздух убо освятится, / восхождением Твоим Мати Бога Человеколюбца, / чудо страшное, Богородице Неискусомужная: / темже верно покланяем Ти ся вернии, / Богородице Неискусобрачная.

**Слава, и ныне, глас 6:**

**П**риидите, всемирное Успение / Всенепорочныя Богородицы празднуем: / днесь бо ангели торжествуют / честное преставление Божия Матере, / и к веселию нас земных призывают, / вопити немолчным гласом: / радуйся, преставляющаяся от земли, / и к небесным обителем пресельшаяся. / Радуйся, яже ученический лик / облаком легким во едино собравшая, / радуйся, Упование и Спасение наше: / Ты бо христианский род / непрестанно ублажает.

**Прокимен дне.**

**На стиховне стихиры, глас 2:**

**Подобен: ДOME Евфрафов:**

**С**обор ученик, / и Божественных апостол, / собрася погребсти богоприятное тело / единыя Богоматере.

**Стих: Воскресни, Господи, в покой Твой, Ты, и Кивот святыни Твоея.**

**Т**ы Иже из Нея возсиявый неизреченно, / сынолепно дух всечистый / руками Твоими прими Богородицы, / Владыко.

**Стих: КлятсЯ Господь Давиду истиною, и не отвержется ея.**

**Е**гда ко из Тебе Рождшемуся / преставилася еси, / снидошася на облацех, / тело Твое погребсти, Дево, / апостоли.

**Слава, и ныне:**

Двери небесныя возмитеся, / зряще дверь Вышняго, / идущу со славою / к Сыну и Богу.

**Тропарь, глас 1:**

**В** Рождестве девство сохранила еси, / во Успении міра не оставила еси, Богородице, / преставилася еси к животу, Мати суци Живота: / и молитвами Твоими избавляеши от смерти души наша.

**Ектения малая, и отпуст.**

## **НА ВЕЛИЦЕЙ ВЕЧЕРНИ.**

**Поем** Блажен муж: 1-й антифон.

**На Господи, воззвах: ставим стихов 8. И поем стихиры,**

**Глас 1.**

**Самоподобны.**

**О**, дивное чудо, / источник жизни во гробе полагается, / и лествица к Небеси гроб бывает: / веселися Гефсимание, / Богородичен святой доме, возопиим вернии, / Гавриила имуще чиновачальника: / Благодатная, радуйся, с Тобою Господь, / подай миру Тобою велию милость. **Трижды.**

**Дивны** Твоя тайны, Богородице, / Вышняго Престол явилася еси, Владычице, / и от земли к Небеси преставилася еси днесь. / Слава Твоя боголепная, / богоподобными сияющи чудесы. Девы с Материю Царевою / на высоту вознеситесь. Благодатная, / радуйся, с Тобою Господь, / подай миру Тобою велию милость. **Трижды.**

**Твое** славят Успение, / Власти и Начала, Престоли и Господства, / Силы и Херувими, и страшнии Серафими: / радуются земнороднии, о Божественней Твоей славе красящися. / Припадают царие со Архангелы и Ангелы и воспевают: / Благодатная, радуйся, с Тобою Господь, / подай миру Тобою велию милость. **Дважды.**

**Слава, и ныне, глас тойже.**

**Богоначальным** мановением, / отсюда богоноснии апостоли облаки висоце взираемами, / дошедше Пречистаго и живоначальнаго Твоего тела, / любезно лобызаху. / Превышния же Небесныя силы, / со своим Владыкою пришедше, / Богоприятное и Пречистое тело предсылающе, / ужасом одержими: / прекрасно же предвидяху, / и невидимо вопияху превышним чиновачалием: / се Всецарица Богоотроковица прииде. / Возмите врата и Сию премірно подымите, / Присносущнаго Матерь Света: / Тоя бо ради всеродное человеком спасение бысть, / на Нюже взирати не можем, и Той достойную честь воздати немощно: / Тоя бо преизящное преходит всяк ум. / Темже, Пречистая Богородице, / присно с Живоносным Царем и Рождеством живуши, / молися выну сохранить и спасти от всякаго прилога противнаго / новы люди Твоя: / Твое бо предстательство стяжахом, / во веки светоявленно блажаши.

**Вход. Прокимен дне. И чтения три.**

**Бытия чтение. [Глава 28.]**

**Изыде** Иаков от студенца клятвеннаго, и иде в Харрань. И обрете место, и спа тамо. Зайде бо солнце: и взят от камня места того, и положи возглавие себе, и спа на месте оном, и сон виде: И се лествица утверждена на земли, еяже глава досязаше до небес, и ангели Божии восхождаху и низхождаху по ней. Господь же утверждашеся на ней, и рече: Аз Бог Авраамов отца твоего, и Бог Исааков, не

бойся: земля, идеже ты спиши на ней, тебе дам ю и семени твоему. И будет семя твое яко песок земный, и распространится на море, и Ливу, и север, и на востоки: и возблагодарятся о тебе вся колена земная, и о семени твоём. И се аз с тобою сохраняяй ты на всяком пути, аможе аще пойдеш: и возвращу ты в землю сию, яко не имам тебе оставити, дондеже сотворити ми вся, елика глаголах тебе. И воста Иаков от сна своего, и рече: яко есть Господь на месте сем, аз же не ведех. И убояся, и рече: яко страшно место сие, несть сие, но дом Божий и сия врата небесная.

### **Пророчества Иезекиилева чтение. [Главы 43 и 44.]**

Также глаголет Господь: будет от дне осмаго и прочее, сотворят иереи на олтари всесожжения вашего, и прииму вы, глаголет Адонаи Господь. И обрати мя на путь врат святых внешних, зрящих на востоки, и сия бяху затворена. И рече Господь ко мне: врата сия затворена будут, и не отверзутся, и никтоже пройдет сквозе их, яко Господь Бог Израилев пройдет ими, и будут затворена. Яко Игумен сядет в них снести хлеб, по пути Еламских врат внидет, и по пути его изыдет. И введе мя по пути врат святых сущих к северу, прямо храму: и видех, и се исполнь славы храм Господень.

### **Притчей чтение. [Глава 9.]**

Премудрость созда себе дом, и утверди столпов седмь. Закла своя жертвенная, и раствори в чаши своей вино, и уготова свою трапезу. Посла своя рабы, созывающи с высоким проповеданием на чашу глаголющи: Иже есть безумен, да уклонится ко мне. И требующим ума рече: Приидите, ядите мой хлеб, и пейте вино, еже растворих вам. Оставьте безумие, и живи будите, и взыщите разума, да поживете, и исправите разум в ведении. Наказуяй злыя, примет себе безчестие: обличаяй же нечестиваго, опорочит себе, обличения бо нечестивому раны ему. Не обличай злых, да не возненавидят тебе: обличай премудра, и возлюбит тя. Дажь премудрому вину, и премудрший будет: сказуй праведному, и приложит приимати. Начало премудрости, страх Господень, и совет святых, разум. Разумети бо закон, помысла есть благаго: сим бо образом многое поживеши время, и приложатся тебе лета живота.

### **На литии стихиры самогласны, глас 1:**

Подобаше самовидцем Слова и слугам, / и еже по плоти Матере Его успение видети, / конечное елико на Ней таинство: / яко да не токмо еже от земли Спасово восхождение узрят, / но и Рождшия Его преставлению свидетельствуют. / Темже отсюда Божественною силою собравшеся, / Сиона достигоша, / и на небо идущую предсылаху Вышшую херувим: / Ейже и мы с ними поклоняемся, / яко молящейся о душах наших.

**Глас 2: [Анатолиево:]** Яже небес вышшая сущи, / и херувим славнейшая, / и всея твари честнейшая, / яже премногия ради чистоты, / Присносущаго Существа приятелище бывши, / в Сыновне руце днесь всесвятую предает душу, / и с Нею исполняются / всяческая радости, / и нам дарует велию милость.

**[Иоанново:]** Всенепорочная Невеста, / и Мати благоволения Отча, / яже Богу пронареченная во Свое Ему жилище неслитного соединения, / днесь пречистую душу Творцу и Богу предает: / Юже безплотных силы боголепно подъемлют, / и к животу представляется сущая Мати Живота, / свеща неприступнаго Света, / Спасение верных, / и упование душ наших.

**Глас 3: [Германово:]** Приидите, вси концы земнии, / честное преставление Богоматере восхвалим, / в руке бо Сына душу непорочную положи. / Темже святым Успением ея мир оживотворися: / во псалмех и пениих и песнех духовных, / со безплотными и апостолы празднует светло.

### **Слава, глас 5: [Феофаново:]**

Приидите празднолюбных собор, / приидите и лик составим, / приидите, венчаим песньми Церковь, / упокоением Ковчега Божия, / днесь бо небо простирает недра, / приемля Рождшую всеми Невместимаго: / и земля источник жизни, / отдаючи благословение, украшается благолепием. / Ангели лик составляют со апостолы, / ужасно взирающе, / от живота в живот представляему, / Рождшую Начальника жизни. / Вси поклонимся Ей молящися: / сродна присвоения не забуди Владычице, / верно празднующих / всесвятое Твое Успение.

### **И ныне, глас тойже:**

Воспойте людие Матери Бога нашего, / воспойте: днесь бо всесветлую душу Свою / в пречистыя длани, / иже из Нея воплощагося без семени предает: / егоже и молит непрестанно, / даровати вселенней мир, и велию милость.

### **На стиховне, стихиры самогласны, глас 4.**

Приидите, воспоим, людие, / Пресвятую Деву Чистую, / из Неяже неизреченно пройде, / воплощенное Слово Отчее, / зовуще и глаголюще: / благословена Ты в женах: / блаженно чрево, вместившее Христа: / Того святым рукам душу предавши, / молися, Пречистая, спаситися душам нашим.

**Стих: Воскресни, Господи, в покой Твой, Ты, и Кивот святыни Твоея.**

Давидскую песнь, днесь, людие, воспоим Христу Богу: / приведутся, рече, девы в след Ея, / и искренния Ея приведутся в веселии и радовании: / ибо от семени Давидова, Еяже ради мы обожихомся, / в руке Своего Сына и Владыки, / славно и паче слова прелагается. / Юже яко Матерь Божию воспевающе, / вопием и глаголем: / спаси нас, исповедающих Тя Богородицу, / от всякаго обстояния, / и избави от бед души наша.

**Стих: Клятся Господь Давиду истиною и не отвержется ея.**

Всечестное Твое Успение, / Пресвятая Дево Чистая, / ангел множество на Небеси, / и человеческий род на земли ублажаем, / яко Мати была еси Творца всех Бога: / Того молящи не престай о нас, / молимся, иже на Тя по Бозе упование положших, / Богородице Всепетая и Неискусобрачная.

### **Слава, и ныне, глас тойже.**

**Е**гда изшла еси, Богородице Дево, / ко из Тебе Рождшемуся неизреченно, /  
бьяше Иаков брат Божий / и первый священноначальник, / Петр же, честнейший  
верховник: / богословов начальник, / и весь Божественный апостольский лик, /  
явленным Богоявлением / песнословяще Божественное и страшное / Христа Бога  
смотрения таинство, / и живоначалное и богоприятное Твое тело / погребше,  
радовахуся, Всепетая. / Превыше же пресвятая и старейшая ангельския силы, /  
чудеса дивящися, / приникше друг ко другу глаголаху: / возмите ваша врата, / и  
восприимите Рождшую небесе и земли Творца: / славословеньми же воспоим  
честное и святое тело, / вместившее всеми Невместимаго и Господа. / Темже и  
мы, память Твою празднующе, / вопием Ти, Препетая: / Христианский рог  
вознеси, и спаси души наша.

### **На благословении хлебов тропарь, глас 1,**

#### **Тропарь, глас 1:**

**В** Рождестве девство сохранила еси, / во Успении мiра не оставила еси,  
Богородице, / преставилася еси к животу, Мати сущи Живота: / и молитвами  
Твоими избавляеши от смерти души наша.

## **НА УТРЕНИ.**

**На Бог** Господь:

**Тропарь праздника, трижды.**

**По 1-м стихословии седален, глас 1.**

**Подобен:**

**В**сечестный лик премудрых апостол собрася чудно, / погребсти славно тело Твое Пречистое, Богородице Всепетая: / с нимиже воспеша и ангел множества, / преставление Твое честно хваляще, / еже верою празднуем.

**Слава и ныне, тойже.**

**И чтение.**

**По 2-м стихословии седален, глас 3.**

**Подобен: Красоте девства:**

**В** Рождестве Твоем безсеменное зачатие: / во Успении Твоем мертвость нетленная, / чудо в чудеси сугубо стечеса, / Боородице: како бо неискусомужная, / младопитательница чиста сущи? / Како же Мати Богу мертвоносна мвроухающи? / Темже со ангелом вопием Ти: / радуйся, Благодатная.

**Слава, и ныне, тойже.**

**По полиелеи седален, глас 4.**

**Подобен: Удивися Иосиф:**

**Возопий, Давиде,** / что сей праздник, / егоже воспел еси древле в книзе псаломстей? / Яко Дщерь Богоотроковицу и Деву, / преложи Ю на оны обители Христос, / Иже из Нея без семене рождся, / и сего ради радуются матери и дщери, / и невесты Христовы, вопиюще: / радуйся, преставившаяся / к Вышнему Царствию.

**Слава, и ныне, тойже.**

**Степенна, глас 4. Антифон 1-й, ихже стихи повторяюще поем:**

**От** юности моя / мнози борют мя страсти, / но Сам мя заступи, / и спаси Спасе мой.

**Ненавидящий** Сиона, / посрамится от Господа, / яко трава бо огнем / будете изсохше.

**Слава:** / **Святым** Духом / всяка душа живится, / и чистотою возвышается, / светлеется Троическим Единством священнотайне.

**И ныне, тойже.**

**Прокимен, глас 4:**

Помяну имя Твое во всяком роде и роде.

**Стих:** Слыши, Дщи, и виждь, и приклони ухо Твое.

Всякое дыхание да хвалит Господа.

**Евангелие Луки, зачало 4.**

Востáвши же мрї́амъ во дни тѣмъ, ѿде въ гóрнѣмъ со тѣмъ, во градъ і́здовъ: и вниде въ дóмъ захáрїинъ и цѣловà елі́савѣтъ. **И** бысть ѿкъ оуслыша елі́савѣтъ цѣловáніе мрї́нно, възграса младенецъ во чрѣвѣ еѣ: и испóлниса дх̑а стѣ елі́савѣтъ, и возопи гласомъ вели́имъ, и рече: влѣ́вена ты въ женахъ, и влѣ́венъ плодъ чрева твоегò: и ѿкъдѣ мнѣ сїе, да прїидетъ мѣи гд̑а моегò ко мнѣ; се бо, ѿкъ бысть гласъ цѣловáніа твоегò во оушїю моєю, възграса младенецъ радощами во чрѣвѣ моёмъ: и влѣ́нна вѣровавша, ѿкъ вѣдетъ совершѣніе гл̑гóланнѣмъ еѣ ѿ гд̑а. **И** рече мрї́амъ: величитъ дш̑а моѣ гд̑а, и возрадовася дх̑ъ мой ѿ вѣ спсѣ моёмъ: ѿкъ призрѣ на смиренїе рабы своеѣ: се бо, ѿнѣ оублажатъ мѣ вси рóди: ѿкъ сотвори мнѣ величїе сильный, и стѣо ѿмѣ егò: **Превысть** же мрї́амъ съ нею ѿкъ трїи мѣи и возвратїса въ дóмъ свой.

**По 50-м псалме,**

**Слава:** / Молитвами Богородицы, / Милостиве, очисти / множества согрешений наших.

**И ныне:** / Молитвами Богородицы, / Милостиве, очисти / множества согрешений наших.

**Таже, глас 6:** Помилуй мя Боже / по велицей милости Твоей, / и по множеству щедрот Твоих / очисти беззаконие мое.



## **Стихира, глас 6. Византиево:**

Егда преставление пречистаго Твоего тела готовляшеся, / тогда ангели обстояще одр, / с трепетом зряху Тя: / и ови убо взирающе на тело, / ужасом одержими бяху, / Петр же со слезами вопияше Ти: / о Дево, вижду Тя ясно, простерту просту, / живота всех, и удивляюся, / в Нейже вселися будущия жизни Наслаждение. / Но, о Пречистая, молися прилежно Сыну и Богу Твоему, / спастися стаду Твоему невредиму.

**Канона два: кир Космы и кир Иоанна. Ирмосы обоих канонов по дважды: тропари же на 12. Катавасия, кийждо лик свой ирмос.**

**Канон первый, егоже краегранесие: Да торжествуют богомудрии.**

**Глас 1.**

**Песнь 1.**

**Ирмос:** Преукрашенная Божественною славою, / священная и славная, Дево, / память Твоя, вся собра к веселию верных, / начинающей Мариаме, / с лики и тимпаны Твоему поющия Единородному: / славно яко прославися.

**Припев:** Пресвятая Богородице спаси нас.

Да провождают невещественные чинове, небошественное в Сион Божественное тело Твое, внезапно же стекшеся апостол множество от конец, Богородице, Тебе предсташа абие: с ними же, Чистая, Твою честную, Дево, память славим.

Победныя почести взяла еси на естество, Чистая, Бога рождши: обаче же подобящися Творцу Твоему и Сыну, паче естества повинувешися естественным законом: темже умерши, с Сыном востаеши вечнующи.

**Другий канон Иоанна Дамаскина, глас 4.**

**Песнь 1.**

**Ирмос:** Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, / и воспою радуяся Тоя успение.

**Припев:** Пресвятая Богородице спаси нас.

Девы отроковицы, с Мариамиею пророчицею песнь исходную ныне воскликните: Дево бо и Едина Богомати ко приятию Небесному представляется.

Достойно, яко одушевленное Тя Небо, прияша Небесная, Пречистая, Божественная селения, и предста, светло украшена, яко Невеста, Всенепорочная, Царю и Богу.

### Песнь 3.

**Ирмос:** Содетельная и содержительная всех Божия / Мудрость и Сило, / непреклонну, недвижиму Церковь утверди, Христе: / Един бо еси Свят, / во святых почивай.

**Ж**ену Тя мертвену, но паче естества и Матерь Божию, видевши, Всенепорочная, славнии апостоли, ужасно прикасахуся руками, славою облистающей, яко Богоприятное Селение видяще.

**П**остиже руке досадительныя дерзаго, усечением суд нанес, Богу сохраншу честь, одушевленному Кивоту, славою Божества, в Немже Слово плоть бысть.

### Ин.

**Ирмос:** Твоя песнословцы Богородице, / живой и независтный источниче, / лик себе совокупльшия духовно утверди, / в Божественней памяти Твоей, / венцев славы сподоби.

**О**т мертвых чресл произведшися, естеством подобна, Чистая, исхождение разреши, рождши же сущую Жизнь, к Жизни преставися Божественней и Ипостасней.

**Л**ик Богословов от конец, свыше же Ангел множества к Сиону идяку всесильным мановением, достодолжно, Владычице, Твоему погребению служаще.

### Ипакои, глас 8.

**Б**лажим Тя вси роди, / Богородице Дево / в Тя бо Невместимый Христос Бог наш вместитися благоволи. / Блажени есмы и мы, предстательство Тя имуще: / день бо и ночь молишися о нас / и роди христианстии Твоими молитвами утверждаются. / Тем, воспевающе, вопием Ти: / радуйся, Благодатная, Господь с Тобою.

### Песнь 4.

**Ирмос:** Речи пророков и гадания, / воплощение проявиша от Девы Твое, Христе: / сияние блистания Твоего во свет языков изыдет, / и возгласит Тебе бездна с веселием: / силе Твоей слава, Человеколюбче.

**В**идите, людие, и чудитесь, гора бо Святая и явственная Богу, в Небесныя обители превыше вземлется, Небе земное в Небесное и нетленное селение вселяемо.

**Ж**изни присносущныя и лучшия смерть Твоя бысть прехождение, Чистая, от привременныя к Божественней воистинну и непреходимей, представляя Тя, Чистая, в веселии Сына зрети Твоего и Господа.

**В**зяшася двери Небесныя, и Ангели воспеша: и прият Христос Девства Своея Матере сосуд: херувими подъяша Тя с веселием, серафими же славят радующеся.

## **Ин.**

**Ирмос: Незследный Божий совет, / еже от Девы воплощения, / Тебе Вышняго, / пророк Аввакум усмотря зовяше: / слава силе Твоей, Господи.**

**Ч**удо бяше зрети Небо всех Царя одушевленное, испражнения преходяще земная, яко чудна дела Твоя! Слава силе Твоей, Господи.

**А**ще и непостижимый Сея Плод, Имже небеса быша, погребение прият волею, яко мертв, како погребения отвержется неискусобратно Рождшая?

**В** преставлении Твоем, Мати Божия, пространнейшее тело Твое и Богоприятное ангельская воинства священными крилы трепетом и радостию покрываху.

## **Песнь 5.**

**Ирмос: Божию и неизреченную доброту / добродетелей Твоих, Христе, исповем: / от Присносущныя бо Славы, / Соприсносущное и Ипостасное возсиявый Сияние, / из Девственныя утробы, / сущим во тьме и сени, воплощься, / возсиял еси Солнце.**

**Я**ко на облаце, Дево, апостольский лик носимь, к Сиону от конец, служити Тебе, Облаку легкому собрашеся: от Неяже Вышний Бог, сущим во тьме и сени, Праведное возсия Солнце.

**Т**руб богоприятнии языцы богословных мужей, богогласнейше Богородице вопияху, исходную возглашающе песнь Духом: радуйся, Нетленный Источник, Божия Живоначального и спасительнаго всем Воплощения.

## **Ин.**

**Ирмос: Ужасошася всяческая / о честнем успении Твоем: / Ты бо Неискусобрачная Дево, / от земли преставилася еси к вечным обителем, / и к безконечней жизни, / всем воспевающим Тя, / спасение подавающая.**

**Д**а возгласят трубы богословов днесь, язык же многовещанный человеческий ныне да восхвалит, да огласит же воздух, безмерным сияя светом, Ангели да поют Пречистыя Девы Успение.

**С**осуд подобаше избранный, пением Ти весь удивляемь, Девице, исходен, весь освящен Богу, всем богоприятен, и сей истинно являемый, Богородице Всепетая.

## Песнь 6.

**Ирмос:** Морский пучинородный китов / внутренний огонь, / тридневнаго Твоего прогребения проображение, / егоже Иона пророк показася, / спасен бо, яко и предпослася, / неврежден вопияше: / пожру Ти со гласом хваления, Господи.

Дает Тебе, Яже превыше естества, Царь всех Бог: в Рождестве бо Деву якоже сохрани, тако во гробе тело соблюде нетленно, и прослави Божественным преставлением, честь Тебе яко Сын Матере даруя.

Воистинну Тя, яко светел свещник невестественнаго Света, кадильницу златую Божественнаго угля, во святая святых всели, ручку и жезл, скрижаль Богописанную, Ковчег святой, трапезу Слова жизни, Дево, Рождество Твое.

## Ин.

**Ирмос:** Божественное сие и всечестное, / совершающе празднество / богомудрии, Богоматере, / приидите руками восплещим, / от Нея рождшагося Бога славим.

Из Тебе Жизнь возсия, ключи девства не рушивши: како убо пречистое и живоначальное Твое тело искушения смерти бысть причастно?

Жизни бывши храм, жизнь присносущную улучила еси: смертию бо к животу преминула еси, Яже Жизнь рождши Воипостасную.

## Кондак, глас 2:

В молитвах Неусыпающую Богородицу, / и в предстательствах непреложное / Упование гроб и умерщвление не удержаста: / якоже бо Живота Матерь к животу / престаи во утробу Вселивыйся / приснодевственную.

**Икос:** Огради моя помышления, Христе мой: ибо Стену мира воспети дерзаю, Чистую Матерь Твою: на столпе глагол укрепил мя, и в тяжких мыслех заступи мя: Ты бо вызывающих и просящих верою моления исполняеши. Ты мне убо даруй язык приносен и помысл непостыден: всяко бо даяние сияния от Тебе низпосылается, Светоподателю, во утробу вселивыйся Приснодевственную.

## Песнь 7.

**Ирмос:** Безстудней ярости же и огню, / Божественное желание сопротивляясь, / огонь убо орошаше, ярости же смеяшеся, / Богодохновенною словесною / преподобных тривещанною цевницею, / противовещая мусикийским органом посреде пламене: / препрославленный отцев и наш Боже, / благословен еси.

Богоделанная скрижали Моисей, писанные Божественным Духом, яростию сокруш: но сего Владыка, Рождшую неврежденну в Небесная сохрани дома, ныне внутри всели: с Нею играюще вопием Христу: препрославленный отцев и наш Боже, благословен еси.

**В** кимвалех усты чистыми, мусикийски же сердцем светлым, доброгласною трубою, высокою мыслию, Девы и Чистыя в нарочитый избранный день преставления, детельнымим плещуце руками, вопием: препрославленный отцев и наш Боже, благословен еси.

**Б**огомудрии соберитесь людие: Божия бо славы Селение, от Сиона представляется к Небесному жилищу, идеже глас чист празднующих, глас несказаннаго радования, и в веселии вопиющих Христу: препрославленный отцев и наш, Боже, благословен еси.

### **Ин.**

**Ирмос: Не послужиша твари / богомудрии паче Создавшаго, / но огненное прещение мужески поправше, / радовахуся поюще: / препетый отцев Господь и Бог благословен еси**

**Ю**ноши и девы, Девыя же и Богоматере память чтуще, старцы и монаси, царие и судии, пойте: отец наших Господи и Боже, благословен еси.

**Д**а вострубят трубою духовною горы Небесныя, да радуются холми, и да играют Божественнии апостоли: Царица к Сыну представляется, с Ним царствующи.

**В**сесвященное преставление Божественныя Твоя и Нетленныя Матере, премірныя Вышних сил совокупи чины, веселитися с сущими на земли, Тебе поющими: Боже, благословен еси.

### **Песнь 8.**

**Ирмос: Пламень орошающь преподобныя, / злочестивыя же попяляющ, / ангел Божий всемогущий, показа отроком, / Живоначальный же источник содела / Богородицу, тлю смерти, / и живот точашу поющим: / Содетеля Единого поим избавлении, / и превозносим во вся веки.**

**Г**лаголы последоваху Божественному Ковчегу священному, все множество богословов в Сионе: камо идеши ныне, Скиние, зовуще, Бога Живаго: не престай призирающи верою поющия: Содетеля Единого поим избавлении, и превозносим во вся веки.

**Я**коже воздевши руце, исходиши, Всенепорочная, руце, имиже Бога носила еси плотию, со дерзновением, яко Мати, рекла еси к Рожденному: яже Ми дал еси, во веки сохрани, вопиющия Тебе: Содетеля единого поим избавлении, и превозносим во вся веки.

## Ин.

**Ирмос:** Отроки благочестивыя в пещи, / Рождество Богородично спасло есть, / тогда убо образуемое, / ныне же действуемое, / вселенную всю воздвизает пети Тебе: / Господа пойте дела / и превозносите Его во вся веки.

Память Твою, Чистая Дево, Начала же, и Власти, и Силы, Ангели, Архангели, Престоли, Господства, Херувими славят и страшнии Серафими; человеческий же род, поем и превозносим во вся веки.

Иже странно вселивыйся, Богородице, в чистое чрево Твое, воплощаемь, Сей, всесвященный дух Твой прием, у Себе упокой, яко должник Сын. Темже Тя поем, Дево, и превозносим во вся веки.

**На 9 песни Честнейшую: не поем, но поем припевы праздника:** Роди вси, блажим Тя, Едину Богородицу. **Или:** Ангели, Успение Пречистыя видевшие, удивишася, како Дева восходит от земли на Небо. **Таже ирмос:** Побеждаются естества уставы: **И второй лик тойже припев и ирмос. И на каждый тропарь поют тойже припев по единожды.**

**Припев:** Ангели, Успение Пречистыя видевшие, удивишася, како Дева восходит от земли на Небо.

## Песнь 9.

**Ирмос:** Побеждаются естества уставы, / в Тебе, Дево Чистая: / девствует бо Рождество, и живот предобручает смерть: / по Рождестве Дева, / и по смерти жива, спасаеши присно, Богородице, / наследие Твое.

**Припев:** Ангели, Успение Пречистыя видевшие, удивишася, како Дева восходит от земли на Небо.

Дивляхуся, Ангельския силы, в Сионе сматряюще своего Владыку, женскую душу руками носящего: пречисто бо Рождшей, сынолепно провозглашаше: гряди, Чистая, с Сыном и Богом прославлена буди.

**Припев:** Ангели, Успение Пречистыя видевшие, удивишася, како Дева восходит от земли на Небо.

**Припев:** Ангели, Успение Пречистыя видевшие, удивишася, како Дева восходит от земли на Небо.

Опрята лик апостольский Богоприятное тело Твое, со страхом зряще, и гласом велиим вещающе: в Небесныя дома к Сыну восходящи, спасаеши присно, Богородице, наследие Твое.

**Посем первый лик поет втораго канона припев: Величай, душе моя, от земли на Небо честное преставление Божия Матере. И ирмос: Всяк земнородный: и второй лик поет тойже припев и ирмос. И на кийждо тропарь поют тойже припев по единожды.**

**Припев:** Величай, душе моя, от земли на Небо честное преставление Божия Матере.

**Ин.**

**Ирмос:** Всяк земнородный / да възграется Духом просвещаемь, / да торжествует же безплотных умов естество, / почитающее священное преставление Богоматере, / и да вопиет: / радуйся, всеблаженная / Богородице, Чистая Приснодево.

**Припев:** Величай, душе моя, от земли на Небо честное преставление Божия Матере.

Приидите в Сион, на Божественную и тучную гору Живаго Бога, возрадуемся, Богородицу зряще: к зело бо лучшей и Божественней сени, яко Матерь, Сию во Святая Святых Христос престава.

**Припев:** Величай, душе моя, от земли на Небо честное преставление Божия Матере.

Приидите, вернии, ко гробу приступим Божия Матере, и обымем, сердца и устнами, очесы и лицом чисто прикасающесе и почерпающе исцелений независтных дары от Источника приснотекущаго.

**Припев:** Величай, душе моя, от земли на Небо честное преставление Божия Матере.

Приими от нас песнь исходную, Мати Живаго Бога, и светоносною Твоею и Божественною осени благодатию, императору — победительная, хрилолюбивым людем — мир, оставление — поющим и душам спасение подающе.

**Таже оба лика, сошедшесе вкупе, поют перваго канона припев и ирмос:** Побеждаются естества уставы: **И втораго канона припев и ирмос** Всяк земнородный: **и поклон.**

**Светилен:**

**Подобен: Небо звездами:**

Апостоли от конец совокупльшесе zde, в Гефсиманийстей веси погребите тело Мое, и Ты, Сыне и Боже Мой, приими дух Мой. **Трижды.**

**На хвалитех, стихиры на 4, глас 1:**

**Подобен: Яко добля:**

**В** славном Успении Твоем / небеса радуются, / и ангельская возрадовашася воинства, / вся же земля веселится, / песнь Тебе исходную провозглашаючи, / Матери всем Владычествующаго, / Неискусобрачная Пресвятая Дево, / Яже род человеческий избавльшая / прародительнаго осуждения. **Дважды.**

**От** конец стекошася, / апостолов лучшии, / богоначальным мановением, / погребсти Тя: / и от земли возьмемю Тя к высоте зряще, / глас Гавриилов радостию вопияху Тебе: / радуйся, носило Божества всего. / Радуйся, едина земная / с вышними Рождеством Твоим совокупльшая.

**Я**же Живот рождшая, / к жизни преминала еси честным Успением Твоим бессмертней, / доприносящым Тя ангелом, / началом и силам, апостолом, пророком и всей твари, / приемшу же нетленными дланьми Сыну Твоему / непорочную душу Твою, / Дево Мати Богоневесто.

**Слава, и ныне, глас 6:**

**На** бессмертное Твое Успение, / Богородице Мати Живота, / облацы апостолы по воздуху восхищаху, / и по миру разсеянная, / во едином лице предсташа пречистому Твоему телу, / еже и погребсти честно, / глас Тебе Гавриилов поюще вопияху: / радуйся, Благодатная, / Дево Мати Безвестная. / Господь с Тобою. / С нимиже яко Сына Твоего и Бога нашего моли, / спаситися душам нашим.

**Славословие великое. И отпуст.**

**И дается елей от кандила Пресвятыя Богородицы. И час первый. И конечный отпуст.**



### **На литургии:**

#### **Блаженна, 1-го канона, песнь 3-я, на 4: и 2-го канона, песнь 6-я, на 4.**

- 1. Жену** Тя мертвену, но паче естества и Матерь Божию, видевши, Всенепорочная, славнии апостоли, ужасно прикасахуся руками, славою облистующей, яко Богоприятное Селение видяще.
- 2. Постиге** руке досадительныя дерзаго, усечением суд нанес, Богу сохраншу честь, одушевленному Кивоту, славою Божества, в Немже Слово плоть бысть.
- 3. От** мертвых чресл произведшися, естеством подобна, Чистая, исхождение разреши, рождши же сущую Жизнь, к Жизни преставися Божественней и Ипостасней.
- 4. Лик** Богословов от конец, свыше же Ангел множества к Сиону идяху всесильным мановением, достодолжно, Владычице, Твоему погребению служаще.
- 5. Дает** Тебе, Яже превыше естества, Царь всех Бог: в Рождестве бо Деву якоже сохрани, тако во гробе тело соблюде нетленно, и спрослави Божественным преставлением, честь Тебе яко Сын Матере даруя.
- 6. Воистинну** Тя, яко светел свещник невестественнаго Света, кадильницу златую Божественнаго угля, во святая святых всели, ручку и жезл, скрижаль Богописанную, Ковчег святой, трапезу Слова жизни, Дево, Рождество Твое.
- 7. Из** Тебе Жизнь возсия, ключи девства не рушивши: како убо пречистое и живоначалное Твое тело искушения смерти бысть причастно?
- 8. Жизни** бывши храм, жизнь присносущную улучила еси: смертию бо к животу преминала еси, Яже Жизнь рождши Воипостасную.

### **По входе тропарь праздника.**

#### **Тропарь, глас 1:**

**В** Рождестве девство сохранила еси, / во Успении міра не оставила еси, Богородице, / преставилася еси к животу, Мати сущи Живота: / и молитвами Твоими избавляеши от смерти души наша.

#### **Слава, и ныне, кондак.**

#### **Кондак, глас 2:**

**В** молитвах Неусыпающую Богородицу, / и в предстательствах непреложное / Упование гроб и умерщвление не удержаста: / якоже бо Живота Матерь к животу / престаиви во утробу Вселивыйся / приснодевственную.

### Прокимен, песнь Богородицы, глас 3:

Величит душа Моя Господа, \* и возрадовался дух Мой о Бозе Спасе Моем.

**Стих:** Яко призре на смирение рабы Своея, се бо отныне ублажат Мя вси роди.

### Апостол к филипписиом, зачало 240.

Братие, Сїе бо да мѣдрствуетса въ васъ, ѣже ѿ во хрїстѣ іисѣ: ѿже, во ѡбразѣ вѣѣи сый, не восхиченїемъ непцевѣ быти равенъ бгѣ: но себѣ оумалилъ, зракъ равѣ прїимъ, въ подобїи чловчестѣмъ бывъ, ѿ ѡбразомъ ѡбрѣтесѣ ѿкоже чловчкъ: смирилъ себѣ, послѣдшїивъ бывъ даже до смѣрти, смѣрти же крїтныѣ. Тѣмже ѿ бгѣ егѡ превознесѣ ѿ даровѣ емѣ имѣ, ѣже паче всѣкагѡ имене, да ѡ имени іисовѣ всѣко колѣно поклонїтсѣ нѣбныхъ ѿ земныхъ ѿ пренспѡднихъ, ѿ всѣкъ ѡзыкъ исповѣсть, ѿкѡ гдѣ іисъ хрїтѡсъ въ славу бга оца.

**Аллилуя, глас 2:** Воскресни, Господи, в покой Твой, Ты, и Кивот святыни Твоея.

**Стих:** Клятсѣ Господь Давиду истиною, и не отвержется ея.

### Евангелие Луки, зачало 54.

Во время оно: Бысть же ходѣшымъ ѿи, ѿ самѣ видѣ въ весь нѣкѡ: жена же нѣкаѣ имене мѣрѡ прїѣтъ егѡ въ домъ свой: ѿ сестра ѣй вѣ нарицаемаѣ марїа, ѿже ѿ сѣдши при ногѣ іисовѣ, слышаше слово егѡ. Мѣрѡ же мѡлваше ѡ мнѡзѣ слѡвѣ, стѣвши же рече: гдѣи, не врежѣши ли, ѿкѡ сестра мѡѣ едїнѡ мѣ ѡстѣви слѡжити; рцы ѡубо ѣй, да мѣ помѡжетъ. ѡвѣщавъ же іисъ рече ѣй: мѣрѡ, мѣрѡ, печѣшисѣ ѿ мѡлвиши ѡ мнѡзѣ, едїно же естъ на потрѣвѣ. Марїа же блгѡю часть ѿзвѣра, ѿже не ѡиметсѣ ѡ нѣл. Бысть же егдѣ глѣше сїѡ, воздвїгши нѣкаѣ женѣ глѣсъ ѡ народа, рече емѣ: блжѣно чрѣво носївшее тѣлѣ, ѿ сосца, ѿже еси сѣилъ. Онѣ же рече: тѣмже ѡубо блжѣни слышѣшїи слово вѣѣи ѿ хранѣшїи ѣ.

**Вместо Достойно, поем ирмос:** Побеждаются естества уставы:

**Первый лик поет:**

**Припев:** Ангели, Успение Пречистыя видевши, удивишася, како Дева восходит от земли на Небо.

Побеждаются естества уставы, / в Тебе, Дево Чистая: / девствует бо Рождество, и живот предобручает смерть: / по Рождестве Дева, / и по смерти жива, спасаеши присно, Богородице, / наследие Твое.

**И второй лик поет тойже:**

**Припев:** Величай, душе моя, от земли на Небо честное преставление Божия Матере.

Побеждаются естества уставы, / в Тебе, Дево Чистая: / девствует бо Рождество, и живот предобручает смерть: / по Рождестве Дева, / и по смерти жива, спасаеши присно, Богородице, / наследие Твое.

**Причастен:** Чѣшѣ спѣнѣ прѣимѣ и ѣмѣ гдѣне призовѣ:

**На трапезе утешение братии. Аще ли будет праздникъ сей в среду или в пяток: разрешаем точною на рыбу и вино. Аще ли в понедельник: міряне разрешают на мясо, и сыры и яйца: Монаси же точною на рыбу и вино.**

**Празднуется убо сей праздник девять дней:**

**[зри] Вестно убо буди, яко аще случится праздник Успения Пресвятыя Богородицы в неделю, зри всего церковнаго последования вечер и утро на Рождество Пресвятыя Богородицы. Точною катавасиѣ праздника, ирмосы обоих канонов.**